


中華文史叢書之三〇
歐陽文史叢書之
王抄齋刊本本影印
有立主編

啓布特
烏里雅
蘇哈東
台志
略略錄

(本訂合)



據國立台灣大學
圖書館藏本影印

林壽圖撰
西布特哈編
孟完恭鏡雙

台灣華文書局印行

啟東錄

黃鵲山人
歐齋刊藏

啓東錄敘

帝出乎震東方也扶輿旁薄之氣積數千年啓我

聖清初有遼金部族繼有元之蒙古兼有今之朝鮮遂
有明之天下冠裳騎射文物聲明肇開於肅慎司馬遷
史記述周本紀后稷之興在陶唐虞夏之際皆有令德
原其始也肅慎見於同時卽珠申之轉音發祥遠矣王
師征討粵醜之初備員樞省得見滿洲源流考舊德敦
龐超軼前古知禍亂不足戡也官書繁複類鈔胥祕府
所藏士大夫罕得傳購嘗欲參以時代輯其簡要者夫
三代極盛卜年長久莫越姬氏幽風無逸陳王業之艱

難顧詹舊疆常若遐思而曠慕其後汧渭之封岐豐之
錫第畀爲附庸耳而史家載筆輒俯仰於孝平之世然
則慎守先代所留詒齟齬於尺寸保世滋大庸有艾歟
國家造邦遼瀋嘗挫俄羅斯兵鋒審度於襟帶屏藩之
勢設黑龍江將軍鎮守其外與吉林將軍張爲犄角固
已建乎不拔之基是編成於重定分界之後十七載海
寓又安

廟堂方議增總督於

盛京以重根本

續承撫御謨略邁乎周京萬萬也猗歟盛哉東之爲位

天地之所以成始而成終億萬斯年洪圖鞏固舞蹈頌之矣

光緒五載屠維單闕之歲孟春陬月哉生魄前方略館纂修閩縣林壽圖敘於武昌旅舍

啓東錄目錄

卷一

肅慎

夫餘

挹婁

三韓

勿吉

百濟

卷二

新羅

鞅鞅

渤海

完顏

建州

卷三

建置

卷四

考證

卷五

校勘

卷六

紀述

啓東錄卷一

閭縣林壽圖

肅慎

淮南子曰東方多君子之國信哉莫古於肅慎竹書紀年帝舜有虞氏二十五年息慎氏來朝貢弓矢史記虞帝紀亦稱北發息慎尙書序成王旣伐東彝息慎來賀皆作息慎家語武王克商肅慎氏貢楛矢尙書傳王俾榮伯作賄肅慎之命孔子世家有隼集於陳庭楛矢貫之矟矢長尺有咫陳潛公使使問仲尼仲尼曰隼來遠矣此肅慎之矢也後漢書康王之時肅慎復至蓋至成

周復著皆作肅慎鄭元曰息慎或謂之肅慎楛矢肇騎射之本俗見

高宗御製而石砮爲鏃

盛京通志八旗通志皆無證王士禎池北偶談載吳兆騫謫寧古塔記云石砮出混同江中相傳松脂入水千年所化厥色青紺厥理如木厥堅過鐵石土人以之礮刃知爲肅慎砮矢之遺曾攜歸京師贈友明一統志亦云黑龍江口出石砮名水花石堅利入鐵土人將取之必先祈神固信而有徵汲冢周書王會解西面者正北方稷慎大麀又作稷慎息稷與肅一音之轉爲一國無

疑雖秦漢之盛於史無傳後漢書古肅慎國在夫餘東北千餘里東濱大海挹婁傳則云卽古肅慎淮南子亦云海外三十六國有肅慎氏范蔚宗謂冠弁衣錦器用俎豆豈無所據而云然有謂肅慎之名似至漢而止者然魏書明帝青龍四年肅慎貢楛矢晉書肅慎國東北有山出石其利入鐵將取之必先祈神周武王時獻其楛矢石砮逮於周公輔成王復遣使入賀爾後千餘年雖秦漢之盛莫之致也及文帝作相魏景元末來貢楛矢魏帝詔歸於相府賜其王僂雞錦罽帛至武帝元康初復來貢獻元帝中興又詣江左貢其石砮成帝時

通使於石季龍敘通使聘問顛末綦詳迄宋孝武帝大明三年猶獻楷矢見冊府元龜不得謂東漢後無肅慎也地勢負山襟海物產閎博風氣純古厯虞夏商周迄魏晉南北朝傳世二千餘年不絕自漢以後部族蕃衍載筆者不詳原委代有岐稱故宋劉忠恕以金之姓爲朱里真北音讀肅爲須須朱同韻里真二字合呼之卽爲慎不知爲肅慎之轉音誤以爲姓舛孰甚焉我

朝國初舊稱所屬曰珠申經

高宗欽定與金之女真同爲肅慎轉音猶夫稷慎息慎云爾於戲誕膺

景命肇啟大東繼繼繩繩鍾靈篤慶廓四海而無外垂
萬禩而常新音譯可稽必以肅慎爲始基矣

